



Broj: 23-50-4797/25
Sarajevo, 03.06.2025. godina

Na osnovu člana 25. stav (2) Zakona o pružanju besplatne pravne pomoći („Službeni glasnik BiH“, broj 83/16) i člana 3. Pravilnika o načinu prijave, vođenju i ažuriranju Liste pružalaca besplatne pravne pomoći („Službeni glasnik BiH“, broj 17/19, 29/25), Ministarstvo pravde Bosne i Hercegovine, r a s p i s u j e

JAVNI POZIV

za prijavu advokata na Listu pružalaca besplatne pravne pomoći

I Predmet Javnog poziva

Predmet Javnog poziva je prijava advokata zainteresovanih za pružanje pravne pomoći radi sačinjavanja Liste pružalaca besplatne pravne pomoći.

Advokati uvršteni na Listu će pružati pravnu pomoć korisnicima u krivičnim postupcima pred Sudom Bosne i Hercegovine i u prekograničnim sporovima, po odobrenju Kancelarije za pružanje besplatne pravne pomoći Ministarstva pravde Bosne i Hercegovine.

Kancelarija za pružanje besplatne pravne pomoći određuje vrstu i oblik pravne pomoći, a korisnik ima pravo na izbor pružaoca s predložene Liste, sve u skladu sa Zakonom o pružanju besplatne pravne pomoći i Pravilnikom o načinu prijave, vođenju i ažuriranju Liste pružatelja besplatne pravne pomoći.

II Uslovi za prijavu na javni poziv

Na Javni poziv mogu se prijaviti svi zainteresovani advokati koji ispunjavaju sljedeće uslove:

- a) da su državljani Bosne i Hercegovine s prebivalištem u Bosni i Hercegovini;
- b) da su upisani u Imenik advokata;
- c) da su članovi Advokatske komore Federacije Bosne i Hercegovine ili Advokatske komore Republike Srpske;
- d) da imaju iskustva u radu iz područja krivičnog zakonodavstva BiH i prekograničnih sporova;
- e) da protiv kandidata ni po kojem osnovu nije donesena odluka nadležnog organa o ograničenju prava na bavljenje advokaturom ili privremena zabrana vršenja advokatske djelatnosti.

III Potrebna dokumentacija

Svi kandidati koji učestvuju u postupku prijave moraju poslati popunjen obrazac prijave, koji je sastavni dio ovog poziva, u kome se osim opštih podataka, traži od kandidata da napiše, u za to predviđene rubrike, podatke na temelju kojih se može zaključiti da kandidat ispunjava uslove iz tačke II ovog Javnog poziva.

Kandidat je dužan potpisati i kod nadležnog organa ovjeriti obrazac prijave, kojim garantuje tačnost podataka navedenih u obrascu. Obrazac je dostupan na službenoj internet stranici Ministarstva pravde BiH (<http://www.mpr.gov.ba>).

IV Lista pružalaca besplatne pravne pomoći

Pristigle prijave će razmatrati Komisija za ocjenu prijave advokata na Listu pružalaca besplatne pravne pomoći, koju imenuje ministar pravde BiH.

Lista pružalaca besplatne pravne pomoći sačinjava se od kandidata koji ispune uslove Javnog poziva. Lista se formira po abecednom redu i objavljuje na službenoj internet stranici Ministarstva pravde BiH.

V Naknada troškova

Naknada troškova pružalaca besplatne pravne pomoći za obavljanje zastupanja u krivičnom postupku pred Sudom Bosne i Hercegovine i prekograničnim sporovima uređena je Odlukom o tarifi i naknadi troškova krivičnog postupka prema Zakonu o pružanju besplatne pravne pomoći („Službeni glasnik BiH“, broj 25/19).

VI Rok za podnošenje prijave

Rok za dostavu obrasca prijave po ovom javnom pozivu je 15 dana od dana objavljivanja javnog poziva u „Službenom glasniku BiH“.

VII Način podnošenja prijave

Prijave na javni poziv slati isključivo na adresu:

**MINISTARSTVO PRAVDE BIH
(NE OTVARATI)**

“Javni poziv za prijavu advokata na Listu pružalaca besplatne pravne pomoći”

Ul. Trg BiH 1, 71 000 Sarajevo



MINISTAR

Davor Bunoza
Davor Bunoza